

石阡府志

四

石阡府志第八卷

知石阡府事西蜀羅文思創修

藝文志

文章之作各自名家其來八國史編邑乘者必有關  
治道俾後之君子得所考非振藻揚葩已也劉彥和  
論經緯區宇彌綸彝憲發輝事業彪炳詞義咸於文  
焉賴之余創志次藝文而有味乎其言

傳

夜郎傳

漢

范 蔣

藝文傳

夜郎者初有女子浣於遯水有三節大竹流入足間  
聞其中有號聲剖竹視之得一男兒歸而養之及長  
有才武自立爲夜郎侯以竹爲姓

見華陽國志

武帝元鼎

六年平南夷爲牂柯郡夜郎侯迎降天子賜其王印  
綬後遂殺之夷獠咸以爲竹王非血氣所生甚重之  
求爲立後牂柯太守吳霸以聞天子乃封其三子爲  
侯死配食其父今夜郎縣有竹王三郎神是也初楚  
頃襄王特遣將莊豪從沅水伐夜郎軍至且蘭極船  
於岸而步戰旣滅夜郎因留王滇池以且蘭有楸船

群柯處乃改其名爲群柯群柯地多兩潦俗好巫鬼  
禁忌寡畜生又無蠶桑故其郡最貧句町縣有枕柳  
木可以爲麪百姓資之公孫述時大姓龍傳尹董氏  
與郡功曹謝暹保境爲漢乃遣使入番禺江入貢光  
武嘉之竝嘉褒賞桓帝時郡人尹珍自以生於菴齋  
不知禮義乃從汝南許慎應奉受經書圖緯學成還  
鄉里教授於是南域始知學焉

六么娘子傳

有引

國朝郡羅文思合江

郡南三舍有琵琶山土存廟址相傳爲六么娘

子廟按琵琶中有梁州六么諸曲因建廟於琵琶山即其亦謂廣輿記載異人隱琵琶山月夜有嘯切聲者而擬之以實其廟即要皆好事者之爲也余亦不爲明辯始卽廟立傳以見玉環亂唐明妃安漢侍兒之介在顯晦者足千古憑

弔云

六么娘子者長安狹邪人也漢元帝時選入宮爲明妃侍兒能度梁州六么諸曲宮中遂號爲六么娘子云於時匈奴兩附請和親帝以明妃賜單于六么娘

子媵焉。至賀蘭驚沙蔽野。白草橫秋。明妃涕下如雨。持六么泣曰。寧復得如長門夜月。永巷春風時耶。我歌子爲我倚之。歌曰。祁連鬱鬱。渥洼洋洋。天馬不來。騾姚則亾。綏冕者誰。謀之不臧。肅肅王命。一女子是將。吁嗟。嘿嘿兮。云何其傷。六么以鐵捍撥。鷓鴣雞絃。標膺而答曰。回首南山。莫能奮飛。感子意兮。右挈左提。讒夫孔張。昭陽永辭。不我漢后。去作關氏。立功萬里。豈盡男兒。努力加餐兮。賢於十萬師。歌罷。明妃忽破涕爲笑曰。兒知我心哉。坎頭奴。綠綺子不足云耶。單

于既得明妃即大喜張宴綠王河左右賢王剖韃昧  
任禁之樂雜舞竝作爲單于慶得佳麗也既而單于  
曰聞有六么娘子者能爲我翻新弄乎是曹靡靡徒  
令人悶耳明妃則呼六么至抱置諸膝理其青絲拂  
拭其肩背微聞聲幽咽若從衣袂間來也明妃乃復  
上下其手按節相和嘈嘈切切不覺哀動心脾感均  
頑艷矣谷蠡曰是鏗錚鳴者豈秋聲耶乃馳鐵騎而  
破銀瓶也錦織夫人曰流澌落英春氣溶溶矣吾疑  
鶯語滑花間也骨都侯曰異哉雲繞殿矣珠落盤矣

悲征夫矣泣寡婦矣俄聲如裂帛動然斯止當戶曰  
是周王之所以笑褒妃耶時漢使在側竊耳語曰殆  
宮聲也往而不返妃弗獲歸哉後明妃果仰藥而死  
如漢使言六么自明妃卒後幽閉毳帳無復過而問  
者一日小單于持之以出則已齒鬢髻墮首如飛蓬  
矣且泣曰知音既去何忍獨生哭不成聲唯聞胡笳  
匝地代馬悲鳴若助其嘆恨者遂投於措下折項而  
死小單于憐之爲附之青冢之傍焉

貴陽童子傳

國朝 羅文思 合江



貴陽童子者名鉢小字四郎其先本蜀人姓金氏少  
學金天氏之裔也周初有名幣者徙家閩中與師尚  
父善仕至大府內史至漢文帝時童子生再徙彭城  
族益蕃自是人知有彭城氏云童子幼不好弄頭角  
巋然難犯也學於公冶氏磨礪陶鑄久之術成乃曰  
此可以說當世之君矣西遊長安鄧通一見而嘆曰  
何物老嫗生此寧馨兒然利天下蒼生者必此人也  
薦於帝擢爲郎稍遷至少府諸朝士遇之輒心動白  
此鄧氏子門下客也與之眺童子亦依依不忍去既

而通犯法下吏當死籍其家童子憂懼不知所出變  
姓氏之齊梁間列侯封君爭相招致得賜厨傳奉邑  
間與諸公子爲蹴踘之戲因跳梁不遜公子怒目攝  
之遂逃去客吳偕諸亡命謁王濞濞曰公等俱安在  
何相見之晚也即日拜水衡丞寵遇日益隆凡軍械  
糧儲馬政樓船諸大事悉咨於童子而後行然童子  
雖行若轉圜善權變而其中方正毅如也見濞稍治  
反具輒棄去曰王郎尊寵我柰何以天子下吏爲諸  
侯叛臣辱乃祖九府公耶遁入山服氣鍊形體益輕

往來人間邊方不畏遠所交遊悉富貴子然遇屠沽  
而見措大墨客下至厮走乞丐苗獍亦時過其門相  
遺問席不暇暖輒揚揚他適不返顧也以此德怨常  
相半云武帝時復因卜式上謁天子時方有事匈奴  
天子嘉其能急公也命兼士林三官與桑弘羊孔僅  
等共籌邊事後以內帑漸空有譖童子者曰是浮薄  
兒得毋因緣爲奸耶何如五郎八郎稍持重可使也  
天子益厭之乃乞骸骨歸貴陽老焉後有見之於銅  
仁山呼曰爲我語諸舊交倘緣至尚當一踞顛倒思

予無益也。蓋童子得長生術云。其子孫甚多。曰赤。君者。僑寓會稽。慕太守劉寵爲人。欲往見。不果。後寵以秩滿去。乃率其宗族百餘人。送其境上。曰。願以百口累卿。寵曰。子真累我哉。不得已。擇一老成者與俱。餘悉不顧而去。居江左者曰榆郎。美丰儀。善清談。魯褒見之。曰。子神仙中人也。以兄呼之。而心鄙其爲人。恒謂榆郎與予處。特利交耳。著爲論。多刺譏語。交遂絕。稔王衍名。投以刺。不值。衍妻悅之。要入門。匿諸牀下。衍歸見而叱之。曰。阿堵何爲。至於衍之室也。去之。

酒家見阮宣在坐，卽與飲，供阮一醉，自是日與阮杖頭俱矣。唐建中初，青蚨公名籍甚，李正己表薦於朝，司大盈庫，旋命青蚨公慰勞淄青軍士，天下仰望其丰采，而青蚨公益貴，惟陸贄惡之，曰：是兒聚族而居，禍不遠矣。迄唐末，蚨公齒髮未少，衰復與諸宦官遊，田令孜鬻爵實籍，蚨公爲曹卹生，行益穢，童子之家風益替矣。然世人重其門第，嘗曰：好官不過如彭城氏之實，煩有徒耳。卽宋曹彬亦云。

修補文廟碑記

明翰林院  
檢討 邱永實

按阡城在南服之八番國初尚屬羈縻成祖文皇帝  
時始入版圖設郡治學校正統己巳燬於寇成化十  
六年太守余君重建於府署之左嘉靖乙巳太守朱  
君遷於察院之左其來幾百十年而人文之蔚幾與  
中土埒萬歷丙申太守陸君移殿後明倫堂建以尊  
經閣自丁酉後阡之科目遂竒於取堪輿家咸謂明  
倫堂旣遷則正殿脫脉太遠尊經閣之高昂勢更嫌  
壓改修之議無歲不舉第或厄於時艱於物力無有

俯從羣議而成之者壬子益都石君守阡翁源李君  
司理阡士復以修學請二君即俞之石君以述職入  
覲李君署郡事遂毅然以學校爲已任力請於韓學  
憲公報可君遂捐俸金二十兩會土官安燕翼贖學  
前地銀一百兩叶吉辰庀材鳩工遷尊經閣升正殿  
於其址殿前約十一步爲戟門戟門約九步爲櫺星  
門敞聖宮不妥則遷於正殿之左隅鄉賢名宦祠狹  
隘則遷於戟門之兩掖儒學衙舍移居右仍樹尊經  
閣於前以弗失三山陸君之雅意敬一亭及前列二

坊皆移修如制迺後崇崗圓暈悉培補成星體若夫  
增高宮廣而規模之宏遠深邃星聯珠絡而丹漆之  
焜耀輝煌即迥然望之無不知爲堂堂 聖者之居

是皆君之畢力殫慮有以致之也計壬子之仲冬經  
始閱癸丑夏四月而工竣阡人士列其狀請記於予  
以鐫之石予惟斯文關國家命脉學校實從政首務  
然吾儕有陟騰而忘其本者率以歷官爲傳舍其於  
根本重地不啻秦越視之奚暇役役而拮据爲惟天  
欲大豪傑之用以昌吾道之祚自必有賢人君子應



運而來以董厥事在昔如鄭餘慶韓昌黎之以月俸  
資給學宮厨饌盧允源高承簡之爲政而首葺泮宮  
柳子厚之完舊益新陽嶠常衮之廣修學舍又如鍾  
離意之修除廟莫而獲丹書白壁劉禹錫之修集廢  
學而夷夏景從則千百年後以爲盛傳余固追數君  
子之挺生非偶建樹非常而吾道昌熾實存乎其人  
也阡陽學宮之議改修凡數十年而煥然鼎新竟待  
君而成之然則君之建祠於阡者固非常阡之久待  
於君者信非偶也夫 聖靈既妥地靈自達百年伏

嘉之運實萃聚於今日之搏抗余且必阡有豪傑迭  
起以共勦太平盛治如雲攀鱗附翼僅僅以功名光  
竹帛也特其餘耳獨吾之望阡士也歟哉抑豈君之  
應運以造阡者哉阡士必有以自效也而君之盛德  
大業益與餘慶昌黎輩先後媿芳矣惟君樹之幟君  
屬如龍泉令王君以及經府王三錫博士鄭國彥苗  
民主司江若濟各捐俸有差且經府偕博士尤朝夕  
勤勞以勸其成則君之錫類大矣哉余固以是紀君  
之畧也君名應期學憲公名仲雍太守君名恂龍泉

君名廷選例書之以誌不朽

重修太虛碕記

明進士胡允恭

郡人

國志凡境內名山大川幽巖古碕皆備載之非以侈  
遊覽也俾執政者一出而問俗採謠賑疲恤困則遊  
覽之間其資於政治者尤親切焉則景勝之不廢也  
阡陽彈丸耳既隸職方猶然郡也山川所紀雖不侔  
于五臺嵩嶽金崎螺江足齒上國而八景所紀如文  
筆棲霞將軍峻嶺漱玉溫泉龍川古渡俱歷見於前  
賢之題詠不可謂非此地之形勝也惟茲古碕舊名

燕子巖草昧初傳有神物禿焉人莫敢近嘉隆間開  
墾稍衆始闢之於惠安鄭公祖而命名太虛則楚雄  
之江公祖然祠門自闢前蔽崇崗無異面墻如吞山

光挹江瀨何今吉水曾太公祖以名世大賢拜命阡  
陽不薄邊鄙於丙辰之冬政通人和興舉廢墜如水  
口空曠則新剏浮屠屹乎成千載之砥柱東門圯陋  
則移建別址巍然壯一郡之干城若書院廢與文昌  
祠頽俱一旦更新丹堊輝映此皆公之培造化合神  
明不日而奏厥功者惟是親巡阡陌問民疾苦過斯

祠而登臨極賞其開闢之奇尤慨其景况之隘也因  
召父老而得其通竅之處捐俸金若干鳩工鑿之三  
閱月而工竣石室高明則祀觀音大士瞻仰皆普陀  
之勝祠口築基則成空中樓閣對越性星斗之章若  
夫鴈塔影搖如畫東南之美懸河遠瀉莫窮逝者之  
藏目之所收心之所會皆山水之動靜風雲之變態  
與花鳥之活潑也而斯祠不誠奇勝也哉遊斯祠者  
其樂有不極哉然語有之滿堂曼笑一人向隅則滿  
堂之人不樂假令閤閤愁歎相聞困苦不息欲其尋

芳覽勝樂事山水而開放自如也其可得乎惟公則  
能同樂於民者也公善政不可枚舉大都民歌士誦  
州處羣萃各安其居則民之樂也可以成公之樂惟  
公後民樂而成此樂則斯祠之闢斯樂之極固千載  
一時也使後之賢人君子有蹈公而續此遊者如其  
年豐時和萬物暢遂則神怡心曠歌南風進霞觴借  
民樂以爲樂則斯祠之遊也民之幸也如其歲歉時  
屋黎庶顛連則目擊心動發倉廩議軫恤引民憂以  
爲憂則斯祠之遊也尤吾民之幸也然則公以遊豫

者而寄之於覽勝之餘後亦以覽勝者而追公遊豫  
之盛則蒼生之福也阡陽之幸也孰謂郡之景勝第  
供遊覽而已哉郡人士德公至遠且大恐歲久或湮  
欲識公利澤於不朽而以筆研屬之恭恭愚賤敢當  
此役惟思康衢擊壤皆以揚聖化即愚賤非所論也  
因積衆論而記公闢碣之所自與遊覽之所資亦竊  
附於衢壤之歌云爾

修文廟碑記

國朝參政 劉芳聲

稽古建國井田之後繼以學校所以崇教化美風俗

而人才即於是出國家欲構天以裕百年之用而人  
臣以人事君則棧樸薪爇之俗在也必先故安定胡  
先生建學於湖州而朝廷取其制以爲國家法其所

係如是而聽其頽然不振黯然無色也可乎哉阡之  
建學厥惟舊矣歲下西夏僞秦時兵叛其將學宮自  
正殿外盡炬於祖龍其遺遺址樞翳蒙茸雞豕脚  
躅過者傷之而見義勇爲者正難其人幸 泰來劉  
公來守是郡甫下車拜 闕宮見其高桀朽蠹蒼鼠  
窟瓦慨然以更新爲已任旋具文詳請卜期鳩工而



里人有高君遴選者以池州司馬致仕旋籍亦慷慨  
男子也公以大義動之盡力捐數百金持告公曰予  
里人不克任事鳩工庀材惟公是荷公遂以其物公  
同散諸工作有不足又益數百金而出入省賦俱任  
得其人以故不數月而告成也嗚呼高有其財而散  
其財既得其財而計度籌畫需之異時遲以歲月其  
不爲道傍之策舍者幾希矣公有其志有其才甫竭  
其誠足以動 至聖之靈而高隨以物力佐之遂至  
經營位置役使羣動無不如意非天下之至敏真孰

能與於斯是歲之秋里中費氏伯仲以誠以矩者即於是科並薦以爲前茅嗣此而竒出無窮霞蔚雲蒸更未可量於以見公之期待於阡之人才者真而造就於人才者神也是役也同時爲宦者則有司李陳

公

諱龍巖今擢思州守龍泉大尹許公

諱

延邵今擢

石阡司李儒學袁四陞經歷來國用俱供見成之新廣文劉世忠躬逢後勁欲壽諸石以志不朽求文於予予忝督學政樂其功之有成而可久也乃不惜顛秃而爲之記

上下殿閣廣雲僧之左右廊房莊嚴闔部金容黝聖  
週遭闈苑役使於重光淵獻竣報於丁大荒落規模  
太遠氣象萬千香紋瀾而入口波漾棧題招虛軸以  
投懷光翻斗拱三台貯白馬之經羣迷仰覺五老蒸  
黃金之鼎大界披香溫泉玉漱霏霏髣髴空中有色  
官井香流號號依稀動處示無信調御之珠庭而高  
真之甲第也於戲捐儲輸蓄贊贈固藉於衆擎而竭  
橐傾囊圓滿多出於已力事克有濟尤賴宰官以言

觀成則都侯平陰程公

諱

際雲城守營李公

諱

朝棟

備學子金公講 渾經歷司傳公 講鳳等均成董戒作師  
張皇是舉合尖而告竣焉猗歟休哉毓華躬逢其軌  
宣揚愧乏鴻文約畧初終軋茁聊光令典凡以志不  
朽於千秋起觀瞻於萬禩云爾謹記

○建修書院碑記

國朝翰林院檢討潘公淳

竊嘗慕文翁之治西蜀韓公之治博陵也興學遺士  
比戶絃歌維時聲教大洽幾於齊魯至今千載下猶  
令人嘖嘖稱道不衰以及李觀博學創書院於臨川  
考亭大儒賜書院於建陽自古之風移俗易未有不

因封疆賢臣名儒碩彥政修於上化洽於下也予濫  
竽木天今年夏阡之紳士致書來言曰我太守黃老  
翁祖以閩中望族當世名家代有聞人自封君太老  
先生觀察粵西屏藩山左鴻勳達於帝座厚德浹

於民物兩省士庶迄於今歌頌不忘焉我公以家學  
淵源宏才碩德夙歷郵署出牧江陵荆之人殆愛嬾  
甘棠也癸巳夏來守茲土愷悌慈祥待士以禮撫民  
以恩公餘賦詩直追少陵和平者氣象耿介者操守  
風雅者文章蓋其表率淪浹於侯山鳥江者將十年

16  
矣去年冬我公慨然捐金數百大修聖廟內而竇  
座甃石玲瓏外而墻垣砌石完固兩廡則創建輝煌  
泮池則開闢精工數百年之頹腐撓折漫漶不鮮者  
一旦而改舊更新黃童皓叟莫不踴躍愛戴謂轉盼  
間人文蔚起漸媿中原寧非黃公之栽培留恩波於  
不盡哉於是凡我紳士合詞而謀曰我黃公超擢在  
邇無寫愛慕之忱將效臨川建陽立書院於域中崇  
生像於祠內庶我公鶯遷之後瞻厥像如瞻我公  
焉具傳之百世永之千秋焚祝之私繫戀於無疆也

已余不敏辱在知己既聞盛舉勉伸鄙詞是爲記

太虛碕記

國朝教授 田仁淳

扶輿清淑之氣精靈所鍾不在人則在物歟自莊蹻  
開闢以來至有明而始設郡縣是以奇峯秀壑靈巖  
幽碕多湮沒於遐陬僻壤寒山荒林之外去阡城五  
里許有碕曰太虛碕口豁然高朗鴻濶行數十步則  
秉燭而入掘衣而進有萬佛巖焉如綴如補如織如  
旛如陣雲戰馬如怒獅搏豹如獼猴數百巖巖引手  
林間如鼉鼙成羣頻頻躑躅墜下有鳳翔者有鸞舞

者有慧且黠者有爲醜爲釜爲尊彝者有爲蜂房爲  
珊瑚者更前進見有慈悲大士身右指微指左袖高  
聖令人起敬厥右一穴更喜幽邃時如微雨瀟然下  
滴環顧巖壁毫光炫著宛若金鋪星辰隱布一線潛  
通直登絕頂有天門焉晉一階則微平可憇心目爽  
塏下臨絕壑有明進士胡公碑回首北望則見那地  
倚山煙火寥落窮鄉僻奧之域息事寧人之際舟車  
適賈所不達四方賓客所不至民生樂利寧靜恬熙  
時而攜榼提壺羣遊茲嗣老者扶杖而賞狀者嘯歌



而樂何欣欣也而要皆

朝廷雨露太守之休養生息涇濡八人之深所致也

困之有感焉向使斯嗣生於中土五嶽之間待王公  
大人表而異之則光輝絢爛早稱揚於 堂陞久脩

載於廣輿而豈岑寂榛莽抑鬱窮山不獲與桃花王  
京括蒼洪陽諸勝共表異於中原也哉斯又茲嗣之  
不幸也然而今日者

聖明在上車書大一統之休禮樂慶文明之會而尤加意

邊徼特 命道隆德脩文章經濟之儒節遐荒軍民

18 ○  
披澤士類景從將見草木益生其光山河愈壯其色  
而幽谷寒巖亦漸彰明較著於日照月臨之區也是  
爲記

遊太廬硯記

國朝都羅文思合江  
守

太廬之爲硯也於黔特著於郡中之八景稱最以偏  
累山麓非撚想問途不得入志遊歷者恒戛戛難之  
余宦秦十九載所在多各山佳水有天工遺憾處必  
損貲以人力補之良以登臨舒嘯情之所鍾遂爾成  
癖歲癸未夏由商於來守郡聞此境渾淵然神往而

案牘勞形風塵溷跡欲偷暇未遑也越明年訟稍息  
當山淨如粧日黃似襖時集同人三五輩單燈籠燭  
鑿遊於是硯之中以實所聞以遂所願硯最高且窈  
最曲而通初夾塙竟方丈餘土帶潤如酥進數折即  
暗少頃襲漏瑩微煌霞縈繞將所謂閨苑風光者壁  
上顏仙家白日四字姓氏苔封尚得真力一伏虎伏  
深穴兩牙爪犀利若噬人狀左旋則龍首昂然掉尾  
欲飛大士像屹然中立蓮座層起淨瓶高立有童子  
倚其側端拱如坐南海蓮蓮不謂此日親之博而見

鼓石鐘石擊以木則鳴響分金華韻傳鏗爾依稀來  
自天上他如玉漱鏘鏘清溜滴也寶光奕奕金沙布  
也萬佛重重崖乳結也龍在而蜿蜒長剛田出而靜  
深爲宅則神人之麒麟南溟之天池也路傍達以無  
窮景循生而莫罄萬竅中靈千音內蘊不勝觀止之  
嘆已而履亂石穿狹縫曙色忽新風亦寒是爲後硯  
相與立崖畔村居在望雞犬喧鬪頗自覺仙凡境別  
不復賴塵氛之擾矣乃知幽異之境不尋人以輕至  
亦並不尋人以易窺彼西子湖之樓臺翠泉莊之木

石非不艷美足觀而繁然外炫何若堯渾然包舉之  
足多耶爰復從後祠入重歷其勝一歸觀記而出時  
日已邁午即於硯口舉酒相屬對迎天之翠屏挹浮  
嵐之霽色送金烏迎玉兔竟不知歸去之已晚云

創修太虛後硯記中

國朝郡羅文思合江  
守

從來景之在寰宇者而使人跡所易到目得盡窺其  
爲景必不奇若神異不讓十洲幽勝有如三島而竟  
令過者莫知聞者嘆觀奇之不出景烏乘貴余蒞阡

閱兩載矣性癖耽山水於太虛廟最賞心亟餘卽往

遊其中。豎者柱。矗懸者珞。綴揚者龍。飛翠者獸。蹲或  
乳液融結。神人屹立。或溜沙鋪潤。金光四溢。奇形紛  
詭。莫可名狀。嘗自爲八景咏之。以紀其勝。惜去郭偏  
遠。且非炬無以覽。人多病焉。爰捐俸鳩工。自其後。硿  
興。作口狹。則闢之。使開岸高。則鑿之。使下。斷其懸柱。  
除其亂石。通硿中之隔。碍平硿外之坎坷。凡以欲名  
勝之景。有目共覩。不沒天壤間耳。但其下甚險峻。不  
有階級。其何以升。乃緣山作徑。疊以石而欵段。肩輿  
可直上。無難前平地。頗寬。雖幕天席地。足暢襟懷。然

寥然一洞不足以飾觀瞻復於上翼一亭對江山之  
明秀撫村落之盈寧望裡一皆畫圖信口可成詩句  
覺百凡勝概紛聚畢來天人之工交致郡內外之景  
互呈幾何不令覽者應接不暇也哉嗟乎以是洞之  
神異幽絕使生於大都名區必早有有力好事者營  
以萬金侈以衆觀笙簧鞞鞞膏繼晷極遊覽之樂  
事當不區區作如是觀也然向者偏褻山麓今則仰  
止在前向者空谷希音今則行人接踵是余之矢力  
開山不定多而萬象幽涵之不使空汲者山靈其許

我乎因於其工作報成之日而樂爲之記

羅郡尊修補文廟碑記

國朝教

張

鈺

嘗思物各有本人貴知原故聖人言知本賢人言務

本則學宮者士林之根本也本之不培枝將焉茂附

陽 聖廟背枕東峰面挹西爽南河縈帶北埭迴瀾

既據川嶽之靈恆孕斗牛之秀惟是多年創建不免

風雨漂搖苟非時加葺修奚以不致傾圮歲癸未我

郡憲合江羅公以名元來守是邦下車即以興學校

育人才爲首務謁 廟時見義路禮門及泮池櫺星



失制切然欲更之越明年政教聿新廢墜畢舉先是  
公愛民如子摘奸若神凡所聽斷動中隱曲黃童白  
叟莫不頌爲神明一時奸宄爲之潛踪學中有田久  
爲隣田侵佔伊等懼公之明察也自首出來歸得  
租若干石公曰此可積爲修補資矣又以廟中臺  
堦徒茲蔓草不足以昭誠敬並令鋪石且恐費繁遂  
捐廉俸爲倡諭鉅等綜理焉鉅惟公之來阡也仁  
廉公明無微不至其愛士也延師立學不吝束脩膏

火之資訓課品題無辭批閱丹黃之苦其惜民也薄

若因時歎而糶倉平市免夫役而增價惠窮種種善  
政難更僕數卽今署冷如水門清若水猶捐金以葺  
學校爲念非示人以重本哉爰集紳士共勸厥成幸  
有孝廉張君明威羅君文元副車夏君朝華明經卽  
君宗文庠生張士朝欣董其事而闔郡人士亦共知  
勉爲敦本之圖捐貲樂助焉凡閱六月而工告竣今  
入其廟則義路禮門甬基式廓巍然並峙也園垣砌  
徑周折曲通燦然有條也泮池協制環橋觀聽採芹

有所也觀樞星之輝煌觀瞻益肅見臺墀之瑩潔趨  
蹠彌謹也從茲規模整飭氣象恢宏科甲佇看蟬聯  
人文旋觀蔚起則本植枝茂要皆我公振興滋培  
之流澤孔長也因敘其事並次諸捐貲姓名於石以  
誌不朽云是爲記

羅郡尊修建石堤碑記

知縣李合

古稱儒名臣宦跡所至每因一井一堙一堤一堰觸  
手成補偏振廢之功民歌樂之亦卽一井一堙一堤

一堰以誌不朽非以此窳其全也卽一堤一堰而全豹可

窺我郡憲羅公以念菴先生裔孫由蜀中名元  
出宰三秦商南蒲城諸鉅邑薦陞直隸商州治行爲  
天下冠遂膺

天子命擢守阡郡下車未彌月士民驚頌其神鄰郡疑案  
未白者不惜走數百里願就石阡郡君一決公視事  
須臾數十獄無不片言立判奇中隱微民至相顧駭  
愕莫測所以以乃遠遠然喜顛顛然歌曰是真吾大  
父母也是乃心民瘼周知窮簷織悉諸情僞變幻事  
投之卽照如明鏡止水焉非有他異術不半晷而宵

匪憚帖境屬晏然遂乃政通人和百廢具舉卽如建  
 堤一事可觀其全焉阡之郭外河上街故莊嶽也川  
 楚通衢民居比櫛上設講約所其中街之曲盡處乃  
 逼河潛每夏秋水漲輒緣街漫溢居廬行旅咸惴惴  
 水中央蓋久安之若素矣 公一日與行顧謂曰是  
 不太逼乎周舍外河灘地堤而護之不且水就軌而  
 使居者行者兩保無恙乎圖患宜預免民阡危真吾  
 事也遂捐俸若干金卽日鳩工不兩月而屹然堤成  
 且議移講約所其上於是父老子衿登臨四顧咸手

額曰是也吾阡城倚山臨河僅僅一線河街而邊  
闕如茲堤一建不獨民登衽席卽右橋左堤講約所  
與水洋廟翼然對出其中貿遷行旅嬉遊春宿城市  
山川輟焉改色吾郡君之爲吾阡計卽此一堤而栽  
培久遠如此感誼合請記以代輿夫合故屬吏幸得  
親炙提命溝聞秦中諸大治績如分地辨賑修陂開  
渠以及理疑獄請減租莫不精誠動

廊廟潤澤深河嶽竊以謂范富應軫駢糞黃堪頤指也區  
區建堤一事曾何足以記公願公之明德遠猷觸

之卽是者於此已發其韌矣遂因輿情而盥手記之  
如此

羅郡尊書院碑記

國朝訓導

鍾徹

阡陽地瘠民貧勤於稼穡古茂樸實崇儉戒奢其爲  
教宜易入而風亦易移曾子曰國奢則示之以儉國  
儉則示之以禮謂紛華不事而禮教可與也惜乎化  
民成俗之方架漏千年無有身體而力行之者阡陽  
舊有明德書院建立於學宮之右自明歷今三百餘  
年前之蒞斯土者或任其傾頽圮壞過而不問焉

一補葺矣不過供往來宦遊者之暫駐未有延師課  
讀養育人才者焉問一延師課讀矣又或師非其人  
切磋寡效而徒視爲故事焉萬一師得其人鄉遠民  
俊濟濟盈庭矣又未幾而伊威在戶聚散無常至問  
其故非窘於日用之不繼卽苦於膏火之無貲而成  
效罕覩焉阡陽雖僻壤邊隅豈無可陶鎔變化之士  
爲風俗人心之則效者乃竟磨滅無聞風俗仍舊非  
賢士大夫之難遇真儒之不世出歟 郡憲羅公西  
蜀名宿也家學淵源久已名滿天下癸未歲自商州



簡命阡陽甫下車詢民疾苦見河街居民臨於河岸正當  
上流之衝千百年來民之溺於水患難以枚舉而西  
公以兩袖清風卽出俸金以修堤防未踰月憫民風  
之未盡純良文教之未能丕振公述禮云曰君子如  
欲化民成俗其必由學乎未有學校不興而能臻斯  
民於仁讓者於是捐金聚財整理書院選擇師儒造  
廬下聘招集遠近生徒賦賦乎向之孤陋而寡聞者  
至是幸觀摩之有人矣向之憤悵而無諮者至是幸  
啟發於繼志矣蓋公之諄諄化導也務格物致知以

啟其明誠意正心修身以立其體一步一趨務使學者以先賢爲準則至諸生之爲文也必字斟句酌別白是非不少含糊法必準諸先民理必本之傳註可擘反覆不以寒暑而易其時不以風雨而間其日

公以一身而總斯郡之政既憂樂相通形體俱徹煩難巨細曲直真僞毫髮無差其爲日亦無幾矣而苟有餘暇輒造書院不憚往復如是徹於生民之未遂

者見公已饑已溺之憂於樂育人材求勉於義精仁熟之地者見公欲立欲達之心也且也體恤周至務

垂久遠凡諸子之日用膏火不僅於困窮者資給於  
一時曲爲設法創爲田畝俾後世之有志來學而貧  
寒無貲者留無窮之惠澤焉是又不但設教於一日  
已也猗歟休哉書院之設方一載耳而諸生爲文經  
公口授指示者悉就法度半入膠庠而一時之人民  
受老勃然向化有願公常留旣郡毋爲他郡所奪是  
祝者有恨不有子弟從遊書院日聆仁義之言者有  
老儒宿學嘆血氣之旣衰不能從公課讀而沒世無  
知者有善相勸過相規述公之言行轉相告語恐徧

有所失致汚公之善政可恥者一時之風行草野不  
戒而孚歷歷如斯豈徒奸邪小人潛踪境外畏其明  
鑒而已哉今之爲是記也非徒然也欲後之爲師者  
爲弟子者爲民牧而蒞斯土者一以公爲之師則人  
才之盛當不亞於中州而風俗之醇可媲美於三代  
矣

增修啓靈觀碑記

國朝舉人張明威

歷觀古寺觀之設或依山或傍水必有裨於人心風  
土者而後建之以大其觀其餘雕梁畫棟浮碧燿金

初非專爲桑門寄跡醉翁逃禪之藪也石門河西北  
啓靈觀者翔自前明儼鳳峙於帝闕地居乾亥爭龍  
燿於天門含遠山吞長江隱隱躍躍與王皇諸閣羅  
列而並峙是地之靈也昭昭矣登是觀者日浮浪捲  
龍川燿其前月露風華交爛映其後且也東臯月出  
五老則沈影而聽梵音西山氣爽元峯則高標而飛  
姓氏其啓人心之靈也何如然後知前之蒞斯土者  
建樹有自而後之采其風者不可增修無方也乾隆

戊辰夏 太守魏公來守斯土下車之始卽以培風



土勵人心為兢兢故阡之文峯立見其玉成而斯觀  
 亦為水口之鎖鑰其所以煩其振興者政未有艾也  
 獨是楚王之宮慮其盛盛則易以容奸而衲子之居  
 慮其孤孤則難以觀美故前楹者觀之屏藩也廊廡  
 者觀之藩衛也天井者觀之丹墀也斯觀之前止有  
 正殿而無前楹並廊廡天井缺焉迄僧性真智達住  
 是曾孫僧綱行福與徒佛參又住是祖孫衣鉢歷有  
 年所力勤儉用積有餘貲遂相繼而鳩庇營繕以竣  
 其事噫觀止矣自是三乘肇起四大排空暮鼓千椎

兩岸之曠隴盡闢晨鐘一擊此都之耳目維新庶幾  
人傑出自地靈或亦物華而啓天寶云爾

序兼會際

五烈自香園集序天共起明王真櫟

文字至今而日繁矣能言之士莫不各欲出其一得

以自鳴一家又為之搏採聲稱增華踵事以輔而行

而人附會於中者疑似相傳彼此互異而不顧其事

之所可安卒之所聞所見各異其辭又相曰此事為

掩短蓋長之階而其人之真往往因之不出此今日

文字日繁而其去古日遠也雖然文而能本乎其行  
則何惡乎文爲文而能適如乎其人之文則又何惡  
於爲交余嘗私心志之矣壬申之秋司鐸義泉於下  
車之始致諸生而前曰其鄉先生中之賢者予將擇  
數人爲之師文擇數人焉爲之友可若何諸生日唯  
唯曰否否旣而曰全君子長其人乎顧觀其云云予  
長先生之行幾無擇口於人矣甫欲徃而先生已惠  
然來比接之則長者風也領其緒論則拳拳乎素習  
勤勤乎先世也有心哉孝子仁人矢口不忘君父子



長先生之言殆有不容已於中者乎旋而袖出其自  
香園一帙其首章曰追思錄卒章曰竒緣錄中凡八  
篇大抵皆先生生平素履與夫 太翁伯尚先生筮

仕始末以筆於書而爲燕子貽孫之良範其用意蓋  
深遠也且夫士君子立身行道所以法今而傳後者  
必將使生平事皆可出以告人而又得一二賢人君  
子相與引爲知音雖名不達於戶外交不逮於各公  
而吾之可出以告人者顧自若也是故其人而有一  
事不可以告人則其人可知也其人而無一事不可

以告人則其人又可知也今接子長先生之言讀子  
長先生之文而夷考子長先生之行若合一符其書  
始父母及於昆弟以至於妻孥其間少而嬉戲長而  
從遊歸而鄉黨里社窮達異致興會各殊總無一事  
不可以告人而無一事不樂爲人之所聞者夫是以  
發於篇章其文甚質其事甚詳而其歌哭笑傲無非  
欲直達其中之所欲言而不可少益一詞少減一韻  
者然則先生之文先生之行也余之所以文先生之  
文之行游文先生之文之行也是以知諸生之爲余

言之不欺而竊喜予今日父事兄事之有人也爰是  
不避鄙瑣願附一編初不敢爲溢美之詞以欺先生  
以自欺其讀書論世之素志而或以其文不斐不當  
附驥於諸名筆之後塵予則知無所逃要以是付先  
生度亦非著集之初意也夫

公祝羅郡尊壽序

國朝翰林院給事中陳慶升

古今有三不朽立德立功立言則不朽者卽壽之謂  
也而求其能兼脩者惟曰翁羅老先生不愧焉

公明大儒念菴公裔理學貽謀詩書累葉六世祖以

名進士知楚羅田科甲蟬聯簪纓濟美其大父抱槩  
公道高德重爲清第一人尊人賢書公品端學粹聞  
望尊隆與弟行可公孝友一堂鄉邦矜式爰暨

翁老先生妙齡穎異至性過人敦宗恤里早儲經濟  
博通淹貫多藝多能齠年採芹食餼試輒冠軍癸卯  
選拔中己酉乙榜壬戌午領解三巴元墨流傳海內  
膾炙人口先是公入成均名噪國學丙辰舉孝廉方  
正至是九卿交薦其才

天子益慶得人持昇民牧初攝篆白河公清慎自矢勤求

石門川元卷  
民瘼不數月政聲卽騰閩中旋宰商雒蒲城諸劇邑  
廉潔不名一錢愛民如子摘奸若神凡所平反洞見  
真偽黃童白叟悉頌神君時家中丞西桂林公撫陝  
稔其賢能極相器重首列薦剡

天子

嘉其懋績擢刺商於商於劇郡也公至凡一切利弊

罔弗興除不惜金數百創立商山書院

桂林公過

其郡贈聯云一塵不染百廢俱興可知其政之敏矣

且清教百年未息之訟鑿乎萬載難通之編惠商恤

民靡不周至部人士沐公德論賦浹髓生祠遍築

閭閻歌頌溢於遐邇緣是循聲益震

九重特授阡陽太守下車甫一載威化所及有若風行草

偃奸宄潛踪茅簷安堵凡捐貲葺文廟延師育英

才築河堤以安市廛輕徭賦以甦窮困善政善教美

難悉舉令聞洋溢黔中兩游口碑盈道路雖三尺童

莫不知有羅神僊焉余自備員詞館游歷言路每於

桂林公處耳悉芳名欽慕已久常過顧卿尹齋頭讀

公所述家訓暨學仕一貫諸刻悉至理名言彌深佩

服壬申奉

命典試西蜀所得士咸嘖嘖推公文章德行邵君以

任屬公朝咸稱道尤詳遂得紳愈深今言桂林公

入參政府而余忝掌工科猶時聞贊公之爲人與

學術事功弗輟是余雖未獲識荆而景公之盛德

豐功嘉言懿行洵不可及真堪不朽矣今年冬嘉平

之三日爲公弧辰阡陽紳士欲躋堂稱觴紳其爰

戴函書脩述公政丐序於余爲公祝報以誌不

朽余愧弗文然忝世好誼弗容辭公家世符陽溪水

孕靈榕山毓秀爲發祥正未有艾而公獨克廣先訓以

儒飾吏學道愛人勲業爛然要皆實心實政爲國爲  
民雖古循良孰有加焉且淑配趙恭人賢於佐政福  
慶齊肩令嗣繼起枝連蔓附仲君爾音赴選都門偉  
拙雄才卓然濟時碩彥季君聲遠學醇養邃泡 繼宏  
深轉瞬續燦元燈前程靡量少嗣亭亭玉立器宇不  
凡長孫聰穎英邁非池中物曾孫繞膝樂備天倫繁  
祉用介引長顯榮彌徵褒大德公今年近古稀貌益  
豐腴精神彌健理繁治劇敷布優優公暇怡情詩賦  
旁精書畫腕下別有風流雖暫駐五馬時各大憲羣



相倚重行見崇階叠晋大展猷爲贊化調元沙堤高  
築以一代之名儒作

盛朝之柱國立德立言立功已勒旂常而書竹帛壽國壽  
民壽世宜階川阜而比岡陵不益爲公信其不朽  
哉爰叙梗概用慰輿情遥望五老諸峯以代南山之  
祝是爲序

所有書送帳帶花燎壽聯並公立大堂廊柱匾對

附載

帳帶聯  
活人生佛齡賡永壽世神仙祿慶長

花燦聯 祥光燭萬丈瑞氣藹千春

士慶作人歌壽考民欣樂只頌遐齡

大堂匾 大德至仁

廊柱聯 寬恕仁慈心是佛廉明公正治稱神

羅公新築石堤序 公師由蜀郡人徐仕清商裔

古聖賢輔相天地裁成萬物以左右民其大者在區  
畫井里經理桑麻而除道修礪成梁築堤亦一端焉  
阡地緯山經水

國朝百餘年來沐浴太平休養生息居者盈衍者集徃來

繡錯而深山邃谷悉成坦途河干澤畔盡爲廛市即  
水之所域雖非巨川大河然而溪出萬山水發叢菁  
當春夏之交水猛起則近逼民戶而漂淹者不可勝  
數前之守斯土者以工程大吝於解囊莫之治也久  
矣癸未秋幸逢羅太公祖由蜀之名元出宰商洛  
擢陞來阡甫下車即剔釐弊端興崇學校惠政多端  
不勝枚舉見河干一市逼近水澤慨然曰余居官數  
十年所至之地必拯其溺今河街傍水爲廛非惟病  
商賈亦兼病居民乃捐俸砌石爲堤且曰築斯堤者

余之責也。凡我黎庶，毋許助一錢不數月而堤成。阡  
民莫不翹首而頌曰：我羅公以聖賢利濟爲心，余  
小民幸逢其盛，今而後人無漂淹之害，宇有金湯之

固，誠千秋難覯之福星也。

清

沐益厚恩，更聆茲輿頌。

因不揣固陋，敬叙其畧云。國直宜砥礪，意無絲髮，與

國善以收愛，德備。信以來安，序一番，祥。如以與素，

容。桂林中堂書。

蓋以效其主，序。

國朝陳弘謀書。

吳中寄札之後，楚南未幾又作北行，抵京以來，倏近

一載，未遑致札。

一載未遑致札。一載未遑致札。一載未遑致札。

聖恩優渥精力就衰難云報稱惟增悚愧每念太守素

以民心爲己心民事爲己事凡關利弊休戚咸有不  
容己之實隨宜計畫期於民生有益以此所至皆有  
惠政人切愛戴領郡以來定有一番新政以展素蘊  
也石阡地雖僻簡在在苗區正宜加意撫綏迎機化  
導不必繩以法律全在示以恩信近見苗疆有司視  
若葷如異類惟以防閑爲慎重不以化導爲轉移殊  
不知歸流已久民苗相習正宜聯而屬之俾有易於

從善不敢爲非之意前在楚南體察及此接壤黔地

大慨不甚懸殊太守於此必有一番措置不昔以循  
習舊例便爾卸責不顧於苗地有益與否也便中示  
我一二以便參觀試用邱令赴黔附此致候邱令爲  
閩中所得士曾令粵中頗有政聲似讀書而有本心  
者相謁之下幸有以教道而成全之京中一切正可  
面詢而悉也不備。

稟

上桂林陳中堂稟

國朝郡守羅文思 合江

敬稟者 文思一介庸愚受知最深受恩最重自叩違

憲顏以來感激圖報輾轉靡寧連年接閱抵抄敬悉

大人榮膺

聖眷位望彌尊仰見碩畫鴻猷大儒者必展之素蘊經方

致遠

盛世無不達之

宸聰名重

朝廷實民生之福也前癸未歲文思自商來黔擬至常德

徑赴長沙請候崇轅詎意探信中途大人已移節

武昌文思以懸限日迫未能紆道趨謁遂使孺慕

私未由稍釋抱憾何極憶壬午秋冬兩經鈞論遠

思雖舊屬身本微員自今捧讀之下啣感滄零且蒙

憲恩高厚許以心民之心事民之事思清夜圖維自

乙丑入關十九載中歷任之地方有六凡宅心行事

悉仰體憲懷恪遵玉誨然蒲邑商州俱係腥羶之

所雖勉竭駑鈍有志不由己力難應念之處是心民

之心覺心猶未盡事民之事究事猶未實也今石隆

山僻民窮思清苦自勵到任年來不敢曠職心未了

之心事未了之事請得以現今舉行之端敬陳其實



向南城內有明總書院墻垣戶牖多就圯毀思於上年九月鳩工修理延本府教授張鉺掌教並月給膏火以資誦讀肄業生童計四十三人今歲試入泮者七人又西城近臨大河沙岸商賈多集當夏秋雨久市肆槩在水中思亦於上年十一月捐俸獨修石堤以防其患長十餘丈高八尺寬六尺業於本年二月工竣現水澤時行已截流遠折不復如前泛溢但堤僅中亘而止必再須十餘丈方永資保障思惟歲勉增修以圖實效萬不敢以私派分文致衛民之事轉

而累民此上工程修舉俱以節次稟明各憲在案  
矣再學憲按試思南往返路由石阡所需夫馬價  
值約三百金向例派自閩蘭民苦之尤且習爲固陋

今夏學使經行思先期曉諭稟行捐免他如發官價  
以購物立行戶以應差種種相沿之弊曾於到任之  
初卽行革除查黔省地方雖統屬苗疆然其間多寡  
不一馴悍異致十三郡中如鎮遠黎平安順南籠都  
勻大定等府係苗民各半馴悍相雜最爲重地頗不  
易治石阡雖亦有苗民里居較之他郡實出懸殊

蒞任後留心體察口音服色俱無異鄉井毫不狡滑  
卽聞有同類構訟或民苗鬪爭亦祇平情審斷不敢  
稍存意見總以無負大人爲國爲民之至意爲兢  
兢耳然民隱至深民瘼無盡謂心有必了之心謂事  
無不了之事苟且圖治粉飾具文實非思之所敢出  
也前鶴孔有云勿謂人不我指摘當實求無可指  
摘之處誠聖賢慎獨之學藥石之論當敬以銘心鏤  
骨永誌弗忘顧思竊有信者念服官廿載日以勤慎  
自矢尤以清之一字爲戒前在陝卹事任赴阡時除

公項不敢稍騰外途費實無所出將所有服飾典質  
大半始獲就道是鬼之勉以圖清本不欲人知而已  
若恐人不知者區區微忱似亦仰荷陶成之一端也  
次子洪鈺年力正壯今得揆選知縣束裝都門每當  
是鬼之餘卽以鬼大夫之所以諄切示思者示之彼  
性資雖頑思不至漫無警覺也四子洪鑪長孫希二  
頗落孫山尚知愧憤明年鄉試自應令偕往七子洪  
鍊年尚幼現在讀書荷蒙憲諭以及合併稟聞謹

稟

稟

稟

稟

稟  
浮徵銀米稟

國朝郡守羅文思合江

竊卑府西蜀庸愚才識短淺由縣令游歷郡守自顧

逾分惟有矢勵清操不敢一念以稍欺自上年七月

到任旋值九月閏徵之期查府屬各里原額徵秋糧

米一百八十二石八斗零條丁馬當銀二千五百一

十九兩四錢八分零載在全書歷年照數批解乃於

原額之外尚有多徵秋糧米七石九斗并零條丁

馬當銀五十二兩九錢九分零查問戶房經書稱此

係額外從前歷任均已徵收未曾批解因科房無案

不知始於何年莫從稽考卑府查此項銀米雖係額  
外但力田者既輸之於公而守土者自應申解於上  
以裕美國課曷敢因循前弊有意侵欺但此時若直  
行揭出未免於前任各守均有妨礙合無仰懇

憲恩准作乾隆二十八年分民間自首新墾遵例於  
當年起科徵收造冊咨部不但從前歷任可以免  
于吏議即卑府亦不至蹈侵欺之譴是否妥協仰祈

鑒察訓示遵行 批辦理甚屬妥協

稟請署清江通判候補縣稟 國朝 卹室

稟者本月初八日奉到憲臺公文

一封驗所紀要一本稟稿一張

卑職

起敬起誠正

謹誦仰見憲臺宏大儒之器量以成已成物者開

樂育之盛心接各世之芳規以有體有用者展經綸

之素志卑職雖二介庸愚而頑廉懦立不期然而感

激奮興於

盛世之師表也伏讀憲臺

遠求治國寧直爲邊疆謀億萬斯年之福而舉此化

外之民胞之與之以廣天地好生之德也豈特

遠者示臥龍之片鱗耶至稟恩師陳中堂一  
書亦士子之氣興邊民之利而除邊民之害古大儒  
所謂先天下之憂而憂者不是過也而憲臺猶稟  
然於獨知獨見之地以戒慎恐懼於不覩不聞之中  
其所以心民之心事民之事者至此無復加矣可事  
不負恩師之知遇矣堂也閩海書生身出卑寒  
昔日受知於恩師陳中堂之時頗有志於古人之  
道不敢謂讀書有得也然而心竊向往之顧一行位  
吏事多掣肘誠如憲扎志不由已力難應念今蒙



憲臺諄諄訓誨策勵駕鉞古人有言馬逢伯樂而嘶  
人遇知己而感捧讀扎論不覺齋從前之惡退諉之  
心頓起而爲鼓舞之志不覺時親炙於志陳中堂而  
猶幸以親炙於憲臺者如親炙於陳中堂也自  
惟卑末無以仰酬憲恩謹守心民之心事民之事  
以上溯淵源不忘木本所有奉頒紀要藏之枕中永  
垂法守稟稿除抄錄服習外敬謹繳還再憲臺  
東下頒禮當奉繳今卑職敬謹受之實欲留之家垂  
將使後之有志者讀憲臺之書欽憲臺之名

以聞而興起也

人新創修郡志稟

國朝郡守

羅文思

合江

敬稟者竊國之有志猶家之有乘家無乘則世系莫

考宗支不分國無志則名勝徒湮治術鮮據查石阡

在唐名夷州在元置長官司至明永樂十一年始更

為府治負山枕江夙稱要地其名山佳水如琵琶之

聲聞月夜溫泉之清可鑒髮於詩人則有李謫仙之

流寓於名宦鄉賢則有明之胡信楊彬漢之尹珍諸

人他如風俗土田孝義貞節胥闕記載表章之大乃

二百餘年以來曾無郡志然故老傳聞以及碑碣所  
留尚堪採訪若復不創修世遠年湮必至荒唐莫稽  
卑府學識短淺現在殫慮研考慮心咨詢未能刻速  
成稿所有奉申黔阡紀要半係卑府先王父朝舟存  
時遊滇紀之所附即半係阡郡故明經全名與之所  
散記彙纂之下較黔省通志覺稍加詳備但卑府蜀  
南下士何有三長其義有未周筆有未到仰懇

大人俯施訓誨引繩削墨外尚祈鴻詞鉅識賜序

端以永垂奕禩曷勝思切

說

○相題說

告明德書院

國朝制羅文思

合江

余嘗論文家遇題當先立身題外將題面仔細端相  
相其有字句處相其無字句處相其從無字句到有  
字句處相其以有字句代無字句處今之文人但云  
講書夫講也者所以解經文字義句義節義如朱子  
註疏諸儒解義之類若入文章內便病訓詁進一層  
者動云看書夫看亦祇以目視之耳如走馬看花看  
也紅紫妍媸觸眼即辨亦看也然皆物求而目迎之

尚不會以心入物中文家單知看字便有看不到處  
惟古名家獨有相書一法相者猶九流中相士之相  
人也耳目口鼻無不相似而於相似中細加端相以  
五官配五行從五行較衰旺又爲相其神氣而聽其  
聲音揣其骨肉始下定語定其富貴貧賤而人無不  
服相書之法實同乎此蓋講是逐字段分晰看是平  
日間理會獨至於相是題到手時一雙慧眼極題之  
中外前後左右而細相之相得就裏着實矣而後自  
已算計一番我何以提其有字句處何以描其無字

句處某處是主腦某處是僕從主腦宜詳僕從宜畧  
再復想今日壇中共此題者高筆若何平筆若何我  
何以高而不過平而不靡乃捨一先着占一緊勢捨  
得着占得住疾忙寫第一句第一句得勢疾忙寫第  
二三四五六句疾忙一直寫到底勢如破竹人只見  
破竹甚快却不知破竹人於未破之先曾用過許多  
審量乃能得心應手此惟善相書置身題外者方有  
這等快活

引韻字長

書法書引

國朝

文思

合

惜字引

置明德書院

國朝郡羅文思

合江

守

投鼎彝於大冶共識咨嗟擲珠璧於深淵咸知動色  
矧赤文綠字無非天地精靈鳥跡龍章盡是聖賢心  
血乃風殘雨蝕任隨舞絮沾泥霧捲雲馳忍共飛花  
委地睢陽有傳僅作風窻一面之遮傖父爲文卽供  
酒甕片時之覆豈特所輕反在所重亦且寶善不若  
寶珍吾輩讀書尚煩誥誥誠愚夫昧道何怪飄零於戲  
楊全善埋字而世擬巍科實爲盛事王沂公檢廢而  
子登鼎甲最是美談學士襟期豈復希心果報古今

心印自應留意尊崇所望是地名賢力存聖澤此  
大雅功在斯文搜垂露於塵封不嫌兵燹出懸針於  
穢壘悉付義泉庶幾哉光燭星雲不失本來炳烺流  
歸河海直符太極渾元卽野鷺家鷄不愁落魄將青  
燈夜雨亦適安心至於雪案揮毫芸窓染翰風檣陣  
馬因吐胸中特出之奇牛鬼蛇神尤裁世外無稽之  
誕此則惜之於無象倍切求之於有形諸君子素以  
道爲程余不佞毋庸言爲囑者爾

示



彙試郡屬童生示

國朝加羅文思台江  
守

照得入泮乃功名進步彙童實掄選佳期爾諸童務  
竭一日之長以展三餘之用毋習塗鴉了事勿爲曳  
白遺譏本府受學髫齡黃卷青燈脩嘗甘苦登科壯  
歲風簷寸晷幾費辛勤竒文果可賞心必不妄教泣  
玉佳句但堪闔目豈甘致令遺珠我其鑒爽衡平爾  
尚神周氣聚如懷藏藍本以暗自揣摩直須汗牛充  
棟或倩代枯腸以與人傳述則有響林鳴金非惟技

無所施亦且等徒自取本府居心月朗素微豈待表之

金執法霜嚴久斷公門之託茲時當小試一皆閱取  
憑文倘大出無知間有招謠詐騙訪聞旣得重杖必  
加告誡先施凜遵毋忽

集明德書院肄業諸生示

本國朝郡守

羅文思 洽江

照得書院之設所以興士類育真才非徒慕虛名已  
也必其人爲可造之質有可導之機斯大可儲棟梁  
之用小亦資膠庠之拔人文蔚起而後教者學者兩  
無所負卽本府召士延師亦與有榮光否則瓊瑜不  
分智愚竝納明強者固蒸蒸日上而昏庸者幾何不

通降愈下矣其貽悞不淺殊非本府立教之本意茲  
擇吉於本月廿四日入學仍登請儒學張麗翁老  
先生位設臬比就館諸童以客臘榜案考取前四十  
名者為率此外不准濫筭但網容易疎眼熟轉生如  
四十名後尚有明順之士願執弟子禮者則又不必  
拘泥然必由兩儒學先生考送本府仍手分甲乙方  
許赴館肄業如此甄別庶見實功益昭慎重矣諸生  
勉之特示

重立蠟口渡碑示

桶口之有渡其來久矣鄧啓敏之爲渡夫曷爲乎歷  
久不易杜爭端也先是數姓輪迴充當因所獲渡資  
羸誦不一遂相奪成訟奔控上憲經前任府時公  
申報以鄧啓敏之河干地畝獨近渡卽命磨此役得  
如詳允結在案時給有執照一紙竝爲示勒石而鄧  
啓敏之爲桶口渡夫以定乃癸未歲火延及碑滅其  
字鄧啓敏來告余以爲碑無字是無碑也渡無碑卽  
夫無據夫無據則將有起而爭其渡者爰叙其所由  
仍今壽諸石以爲永遠明証特示

國朝教授張鈺

照得阡陽雖屬邊郡不發英賢義水滌流北捨聳人  
文之秀榜山繞翠鎮東北科甲之綿西望楚王臺前  
江上之山光凝紫南眺太白祠畔斗間之劍氣欲橫  
覩茲地靈可卜人傑稽志前代蔚然甲第崢嶸按籍  
本朝允矣科名遞盛步瀛洲之杏苑允恭允敬曾傳棣萼

聯輝攀月中之桂林二費二王疊見壘麓濟美前輩  
如此後學宜然爾諸生濡染既深觀摩有素或髫髻年

露穎謝朝華之已披或壯志凌雲啟夕秀於未振

除煩去濫等遺味於太羨或尋微逐虛發清音於流  
水文無一體人自多能本學謬膺師儒情殷作育雖  
青燈蠹卷個中之攻苦未深而白雪陽春斯文之嗜  
好頗切謹誦子月初二之吉聿觀多士儷六之章文  
武偕來生童畢集於時序當賜錦節屆傳柑雁度南  
天高寫碧天之字風來北陸暖送小陽之春摘藻採  
華抽詞研句務期言言錦繡共盡一日之長要使字  
字珠璣無負三餘之學爰舒青眼敬俟白看式惠瓊  
瑤毋遺金玉特示

蘇詩鐵金王勣

五言古無負三編之學矣其青蓮詩自徐友惠

華賦流寓夜郎賦言言辭離其蓋一唐李員自對

半夜水軍來潯陽滿旌旛空名適自課迫脇上檣船

從賜五百金棄之若浮煙不惟不受賞翻謫夜郎邊

夜郎承恩放還兼欣復京師示息秀才文章

清健臺卷圖中文苦未悉而自書唐李漢白

黃口爲人羅白龍乃魚服得罪豈怨天以愚陷網

鯨鯢未剪滅豺狼屢翻覆悲作楚地囚何日秦廷哭

道逢二明主前後兩遷逐去國愁夜即投身竄荒谷  
半道雪屯蒙曠如鳥出籠寔放尅復美光武安可同  
天子巡劍閣儲皇守扶風揚袂正北辰開襟攬英雄

胡兵出月窟雷破關之東左掃因右拂旋收洛陽宮  
回輿入咸京席捲六合通叱咤開帝業手成天地功  
大駕還長安兩日忽在中一朝讓寶位劍壘傳無窮  
愧無秋毫力誰念矍鑠翁弋者何所慕高飛仰冥鴻  
棄劍學丹砂臨鑪雙玉童寄言息天子歲晚陟方蓬

流夜郎永華寺寄潯陽宰官

唐李·白



朝別凌烟樓暝，被永華寺賢豪滿行舟。賓散予獨醉，願結九江流。添成萬行淚，寫意寄廬嶽。何當來此地，天命有所懸。安得苦愁思。

六代竄夜郎於烏江留別宗十六璟。李太白

君家全盛日，台鼎何陸離。斬鼉翼媯皇，鍊石補天維。一迴日月顧，三入鳳凰池。失勢青門傍，種瓜復幾時。猶會衆賓客，三千光路岐。皇恩雪憤懣，松栢含榮滋。我非東床人，令姊忝齊眉。浪跡未出世，空名動京師。

適遭雲羅解，翻謫夜郎悲。拙妻莫邪劍，反比二龍隨。

君滿波若干里。遠從之自帝。晚猿斷黃牛。過客逢  
遠瞻明月峽。西去益相思。

石阡道中題將軍陔

國朝學使

鄒一桂

孤標凌太虛。受氣變霜雪。叢木不能附。點綴辭一切。  
稜稜蒼骨寒。刁刁挺高節。山爲仁所樂。毋乃過勇決。  
那知堅壁中。泉脉出自穴。虛中涵智水。流潤生膏澤。  
外樸內文明。此圖可觀易。豈徒誇石筍。椽筆書天闕。  
草履苦旱得雨田。禾一莖雙穗。  
國朝知府黃良佐

鳳歷閱丙申。維年五十五。帝德彌崇隆。荒服拓境宇。

車書處處同恩澤，頻施普庶哉。生齒繁允矣，率土溥  
草野多愚蒙。木鐸開靈府，禮樂先修文。干戈尤偃武，  
朝中頌聖人。宇宙仰乾父，萬里恣遠行。道路無豺虎，  
四海濟時清。梯航過商賈，山林任樵採。川澤開網罟，  
雍熙遍九州。休風追千古，咸樂世昇平。九重治田圃，  
顧我被恩光。累代荷綬組，分符入義泉。刺史爲民主，  
觸目半苗獠。野處雜如麋，嗟咨蒞要荒。敏勉學治譜，  
桎梏常不施。閭閻頽安堵，南面與東阡。泣泣流膏乳，  
葑屋蔽風霜。綢繆及牖戶，夜則慎居私。朝則聽堂廡。

所慮禱瘠地。羣見膏沃土。享德。

聖明朝宵財。斷肢股一方。偶水旱百計。思安撫至尊時。憂  
勤在廷多良輔。雖云樗散資。敢不竭力努。布穀喚春

朝。勤課歷所部。稼穡希時若。乾坤切仰俯。豈意當季  
夏。驕陽竟少雨。晝夜獨傍徨。愁腸幸糿糿。緜思予德  
薄。恐干鬼神怒。不敢事繁文。歛精誠亦聚。默禱

皇天有禍獨。自蠱赤子。憫何辜。奚堪受疾苦。靄靄布密雲  
翳翳蔽卓午。沛然甘霖降。早起商羊舞。青苗復勃興  
綠野滋潤愈。霑濡之所及。百穀花齊吐。秀色望如雲。

細看聞若菴結實鍾靈根原隰碩杭稌兩穗同一莖  
仁卉真難覲應知和氣生實爲太平祐喜瑞兆豐年  
珠玉何足數貯積滿倉箱祭賽盈簋簠父老欣賡酬  
雞黍並醴醕含哺率高歌擊壤當鐘鼓欲以方唐虞  
更以隆夏禹小臣愧無能涓埃何所補藉此記詩篇  
或爲采風取幾聽出郡北闕外壽宮邱琦田中

讀自香園集

國朝陳琦題春

先生如修竹楚楚標淇澳歛茲經濟才醉臥青山麓  
浪遊吳越間笑語騰雲煙袖攜虎阜月筆瀉龍湫泉

至今一展卷毫端浪拍天枕卷聊假寐清夢歷層巖  
予亦有遊癖忘年結心知豈惟愛公才忠孝允世師  
正朔何以尊避世樂丘園孺慕何以永追思薦采繁  
躬行何以修功過泐心軒友誰何以擊淡泊志毋諉

百行脩一見晚季稱獨難勁節多晚茂虬松鬱巖巖  
泰岱千百歲積久德逾宣榮名享壽考爲君賦考磐

遊太虛硯

國朝教授張鉉

古硯涵太虛造物鍾靈秀豁然一竅開包藏元氣厚  
秉燭入其中奇巧歷歷觀石躍胡龍翔穴隱窺虎伏

巖乳攢萬佛幡幢簇錦繡削岑峙重門巘<sub>屹</sub>列猛獸

谿訝隙風寒峻嶒石骨瘦中有大士立彷彿垂衫袖

蓮臺矗淨瓶童子侍其右頂背懸瓔珞鐘鼓傳雅奏

天巧謝追琢人力難成就尋勝轉幽徑傍搜渡石溜

偃僂下層臺疊疊金沙覆璀璨奪人目映壁如列宿

下有石方田蜿蜒龍翹首潛臥抱驪珠鱗甲殊不謬

怪狀多難名萬象若在宥足倦暫停眸朗朗光雙漏

僊家白日遲窈然別世宙不知太始前誰鑿鴻濛透

瀛州徒侈談大羅孰避迥眼前即蓬萊實境可參究

流連托素毫想像愧詞陋寄語遊觀者茲竒恐難又

七言古

流夜郎贈辛判官

唐李白

昔在長安醉花柳五侯七貴同杯酒氣岸遙凌豪士  
前風流肯落他人後夫子紅顏我少年章臺走馬着  
金鞭文章獻納麒麟殿歌舞淹留玳瑁筵與君自謂  
長如此寧知草動風塵起函谷忽驚胡馬來秦宮桃  
李向誰開我愁遠謫夜郎去何日金雞放赦回

遊太虛硯

國朝阡營  
都閩侍衛

唐光甲



太虛各洞江之岸元始靈氣通霄漢乘炬深入等夜  
遊落燼燃灰星火亂離奇光怪任搜尋俗狀塵氛早  
隔斷神龍飛躍虎猙獰鼓石鐘石可靜按佛豫巍然  
屹在中笑拈蓮座難褻玩四壁沙光照眼黃轉步仙  
家天忽旦邊塞邊徼慶收寧文武恬熙歸清晏漫道  
一官繫如匏攀躋道遙金不換

五言律

文筆山

明郡守

初順

巨筆卓晴峯天然制度工雲霞粧五色風物助三氣

脫穎非囊底。生花似夢中。流年多少恨。終日設書空。

阡陽舊冊八景

五老屏山

國朝郡守

黃良佐

列岫何高古。蒼然五老顏。凌空依日馭。倒影落溪灣。

黛色開青嶂。煙光縮翠鬟。相連爲伯仲。作鎮表東山。

太虛石硯

洞幽無鎖鑰。門闢接天衢。虛室乾坤別。靈異物象殊。

縱觀峯窈窕。緩步徑縈紆。朦似桃園景。金沙佛地鋪。

萍絲漁浦文瀾

軟綠看金柱江空淨曉暉迴瀾縈鷺渚濯錦漾魚磯  
鼓柁歌初起垂綸釣未歸最憐幽絕處吉水共依依

溫泉漱王

石鑄靈源遠溫泉濯四時煙飛傾玉液潮湧沸珠池  
占碣穿山麓孤亭傍水湄坐消塵垢盡枕漱最相宜

掛榜元峰

荒服施文教標名第一峰擎天臨雉堞拔地出芙蓉  
白壁千尋石青雲百尺松春風時拂拭莫使碧苔封

將軍峻嶺

蛟拔曾無比。一峰天外標。日穿金甲麗。風動玉總騎。  
雲幔凌晨捲。星旗入夜飄。將軍如在御。何異霍標姚。  
官井流香

水激多甘美。滄浪逆義泉。含虛應有象。鑑物若無偏。  
逶徑通官閣。依山枕石阡。暗香流不盡。玉井自同傳。  
龍川古渡

迢迢津渡古。終日任身橫。夾岸幽花放。環林翠鳥鳴。  
雨添新漲滿。風捲暮沙平。景色龍川媚。猶傳太白名。  
阡陽八景

五老屏山

國朝郡守羅文思合江

五老峰頭竝如屏，列正東平開千古。畫高障半天，風  
黛染停雲外。錦添落照中，對時宜薄暮。不羨鶴山崇  
太虛石礪。

石竅鴻濛啟，人工未許施。鼓鐘聲自別，龍虎伏多竒。  
元氣層均結，靈光一綫規。蓬壺今在邇，塵世幾人知。  
龍川古渡

謫仙留跡韻古渡，記名芳詩思。榮明殿灘聲走夜，那  
沙平風怒捲月。駐水清揚，忽遇曾邀寵，功名未路傷。

漁浦文瀾

漁浦豪梁與瀾生細。楚文無風成寶篆。有日映綾紋  
方折遊鮮斷圓流盪漿分機潘詞藻味臨眺息糾紛  
書空琵琶清韻

何年僊跡隱。下有玉環聲。嘈切空山寂。悠揚絕澗鏗。  
林風清五夜。沙月印三更。不盡梁州趣。誰將此調賡。  
曼曼掛榜平崖

逶迤江外列掛榜儼真逢霞作黃金色霧成淡墨容  
文明徵象啟英瑞卜靈鍾石躍傳科第由來鎮辟雍

文則溫泉激玉。小靈毓不。靈山。木。與。翰。水。  
坎水存離火。澄橫王韻長。濯來同解佩。瀉去若拋漿。  
曼曼攢花。朗瑤瑤浴德。良潺湲真悅耳。吟句冷鏗鏘。  
林風。文筆棲霞。良。二。更。不。盡。吳。代。賦。出。新。五。時。氣。

一峰孤峻起文筆。靄晴天直刺千重錦。高障五色箋。  
書空綠底事卓地。澗多錢到處毛錐富。當茲應愧椽。  
古。遊十萬屯山。蓋。兼。衣。對。國。朝。教。授。張。非。錕。孫。益。

凌雷攢翠嶺。拔地出雲根。壁削巖千仞。嵐環陣八門。  
昔藏十萬甲。今住三家村。幽邃如盤谷。烟霞四望屯。

伴雲寺

國朝訓導鍾昱徹

路入青霄去宮從碧落開馬難尋徑上風疾踏雲來  
幻象因虛寂天心觸境回幽深藏秘鑰不必問蓬萊

岐鳳山

國朝千營  
候補守備謝維新

連步登高級招提入望餘短堦抽嫩筍深院綴竒葩  
有筵陪衲子無語問官衙依門低眼看掌列萬人家

七言律

石阡書懷

明郡守祁順

男兒弧矢平生志歷遍中華到石阡椎髻卉裳荒服



地翫牛刀犢太平年雨餘山翠開  
圖畫夜靜泉聲落管絃俗客不來  
公事簡依窓頻和白雲篇

龍泉石徑

明王守仁

水花如練落長松雪際天橋隱白虹  
遼鶴不來華表爛仙人一去石樓空  
徒聞鵲駕橫秋夕漫說秦鞭到海東  
移故長江還濟險可憐虛却萬山中

遊大虛洞

明朱奉鈿

偶從公暇問幽蹤  
巖嶽山隈雲外重  
一竅森羅空着色  
半蹊迴曲合還通  
象直真漫謂神輪  
巧境異不緣人

綴工萬彙渾然藏石室石光掩映野藤葺

遊太虛硯

沈世卿

閱武公餘白日閒何從匹馬問名山禰門雲鎖四時  
靜石髓涼生六月間地闢崆峒來太古天垂法象別

區寰坐消暑氣清風遠且向尊前解笑顏

擲年宦轍任西東此地重臨六月逢耀武千兵烽火

淨尋幽一徑石門通山靈有待飛雙鳥境僻何須駕

五驄自是高情耽閒靜坐開尊酒萬綠空

請由石所至思南

國朝學使鄒一桂

誰闢懸崖作劍門，捫蘿穿破白雲根。  
短牆修竹圍精舍，流水桃花又一村。  
羅甸山容春有脚，夜郎月色淨無痕。  
數聲欸乃滄州趣，况復船頭送酒樽。

昨霄雷雨過清明，十日春寒一日晴。  
遠樹雲開延岫色，野田水滿落溪聲。  
一鞭斜照穿花塢，雙燕輕風到石城。  
汎掃軒窗談坐久，半規明月已初更。

遊太虛洞

國朝經歷金玉

涉水登山闢草萊，白雲深處洞門開。  
鼓鐘觸石傳天樂，龍虎驚人列上台。  
有徑相從燈火入，無風常看雨

花來紗籠肯護。題詩客。稽首慈容帶笑栽。

作宦二十餘載。奚囊撲被而外。他無長物。惟嗜蘭之癖。久而弗移。致各種四時中。開不稍闕。因所至之處。顏其居曰友蘭。比之潘縣。花可以免俗。擬於陶令。菊將與同歸。爰咏巴詞。聊以志况。

國朝郡守羅文思台江

其一

友蘭蘭友久相居。斗室閑閑俗掃除。邛壑共參真面目。軒窗長對古琴書。管甘秋露空階冷。亦解春風笑

眼舒可似西施還未嫁。苧蘿幽思浣紗初。

其二

托根原不近塵寰。巖月松風共往還。長抱芳心須識  
者。偶離空谷落凡間。雲侵棐瓦香逾潤。露壓嬌姿瘦  
欲彎。鎮日虛齋聊寫賞。知君終愛避人閒。

其三

自持矜貴影蕭蕭。不語還勝解語嬌。凍粉乍融春漸  
洩。冰壺遙映暑全消。佩成騷客經秋紉。香並蟾宮帶  
月飄。便作盆中小草看。也能不向歲寒凋。

其四

烟霞餐透本清凉。幽艷天然出衆芳。紅泪豈因啼社  
宇。粉容端不染。何郎試。弄白露。伊人處。堪寄綠陰君  
子。傍。莫以沉淪負顏色。掙來臺滿侍臣香。

其五

紫莖綠葉畫難勻。詩思空裁巧樣新。九節石華堪永  
日。竝頭闈秀易傷春。山深林密隨高隱。分雨參三合  
化神。澧渚行吟徒結佩。本會參得此中因。

其六

爭誇桃柳河陽艷，漫怪空山識爾稀。  
是有風時真澹宕，縱無人處亦芳菲。  
宦貧贏得花偏富，官瘦栽來草不肥。  
待約歸鵞投老契，薜蘿爲帶芰荷衣。

冬日隨羅太尊再遊太慮洞與僚友諸生集

飲二首

國朝教授張鉅

竒踪異跡本天開，引得遊人去復回。  
每到壺中如世外，頻窺洞府儼仙台。  
初平叱石知非幻，虛靜成丹信不灰。  
笑我幾番看未足，又隨五馬踏雲來。

雲霞深鎖洞門邊，熊軾新臨別一天。  
砌草迎風皆向

花霜林映日倍爭妍。名山每借高人重。嘉會還因勝地傳。共仰檐帷今暫駐。遐陬欣覩大羅僊。

春日書院即事二首 高張大鈺

明德重叨訓。讀書春光朗。朗映階除。課程甚緊。功宜

越雲路偏長。步莫徐。志憚窻前。徒自悞。學勤名下。始

無虛。吾曹欲作鹿鳴客。休把簡編空列臚。

意明几淨。列詩書。俗氣塵氛盡。掃除麗日融。和侵案

清。春風瀟灑入簾徐。難逢境遇須當惜。易過韶華莫

放虛。爭著一鞭齊努力。

書院久廢。羅公何愁。玉陞不重。整捐助膏火。



傳臚

遊伴雲寺

張鉅

伴雲雄刹冠諸天俯瞰崕嶮小視川巖壑參差幽象  
外嵐光淡遠潭無邊環村葉燦千林錦夾岸晴蒸萬  
戶烟盪我胸懷多曠逸飄然恍若挾飛僊

大虛洞

國朝訓導鍾

徹

黔山盡是萬山叢惟有太虛別化工高濶天門吞碧  
落幽深竒像列玲瓏烟雲能到迷猿路神斧難各咲  
鹿翁表裏洞然人世外分明身到廣寒宮

久聞靈鷲絕囂塵到此悠然耳目新  
丈六世尊難示面十千古佛見全身  
鏗然鐘鼓蛟龍伏照耀金沙鳥獸馴  
處處引人來八勝漁郎何用指迷津

龍川渡

鍾徹

秋水泱泱古渡頭傳聞太白泛輕舟  
荒林月影扶人醉斷岸猿聲喚客愁  
放逐當年從北去閉情今日問東流  
先生詩卷盈天地恨未揮毫石上留

石阡參軍署左舊有太白祠祠廢祀湮  
豫章畏瑕金公左遷都參於後圍建謫仙詩壇繪雲樹樽

酒圖吟嘯其中歌詩二章以誌夜郎軼事

百利參軍器式警言太白師師郡人杜雲祥

論才伯仲邁岑王風雅無端竄異鄉三峽哀猿傷客

醉五溪明月伴詩狂飄零雲樹思千里光焰文章聚

一堂遷謫爲公深意氣琴樽清酒共徜徉

黔蜀從多客逐臣拾遺供奉倍相親抗詞端不私房

瑄染翰容教刺大真錦里草堂醜祀杏屏山水署將

壇新仙靈白應憐同調尚論千秋在一樽

甲申季夏久晴不雨羅郡侯公祖旗搖南門水

盡取北郭汗濕衣襟祈禱立應恭紀一章

國朝舉人張明威

赤心報國頗忘身  
冒暑塗泥總爲民  
交夏南薰纔解霧  
臨秋北郭又勞神  
滂沱應念黃金滿  
霖澍如期百穀新  
恍惚盧陵治淦績  
愧無亭石紀公仁

門書頌羅公堤董如雷王王張明威

一堤新築似重城  
半壁江干碧水橫  
德擬及風能滅火  
功同砥柱可驅鯨  
任他谿泛家無慮  
挽爾瀾回戶不驚  
安枕廛民誰足念  
千秋惟戴羅公名

不驚書院郎事  
其人徐仕清

邊城文運際時開

公以商中刺史擢陞石阡郡守

閉覓茯苓藏藥籠

明德書院昔程廢爲行室

門晝靜花陰暖  
董張霄深玉漏催  
已見神君滋雨露

佇瞻阡土撥高魁

補雲遊伴雲寺

國朝合江貢士 羅洪鑼

伴雲呼吸擬通天  
足下山峯眼底川  
霜葉班斲村遠

近晴霞綺麗  
鷺中邊橋橫夾岸  
虹拖水塔刺層空  
筆

掃烟百六軟塵飛  
不道更於何處說神僊

孟冬遊讌岐鳳山

羅洪鑑

晴烘十月暖如春，歡洽忘年識幾旬。  
信口聯吟空念俗，連杯倒影滌襟塵。  
街頭翠籠烟爲幻，楓外丹飄錦是真。  
一幅畫圖看未飽，倦還飛鳥喚遊人。

五言排律

太虛洞

明 韓仲雍

磴路逶迤上巖扉，杳靄窺澄霞漾飛。  
蓋新月影橫坻地，土勤供帳山僧遠。  
執羈燭天紛雉炬，殷地動鼉吹綠荔。  
懸皆迥丹枌，置足歌陰房。愁溼袂，溫空競揚綦。

雪色疑立乳烟光逗紫帷  
牀爲龍臥處穴是鳳來時  
擁徑成三秀堆峰列九嶷  
玲瓏連不斷迴曲到還離  
佛座輝珠絡仙毫暗碧滋  
叢林初止觀六道宛低眉  
通氣理非謬雕形上若爲  
莫須驚造物直欲問庖羲  
舉策家風劭無蹊國之奇  
勝情輕捫陟名士暢追隨  
蔀屋重徵伎花宮再引卮  
接羅拚倒著玉漏且催遲

溫泉

國朝侍衛唐光甲

陣營都閫

唐光甲

何年暘谷水墜地出林垆  
不盡湯湯勢猶存赫赫形  
迎人和可挹去垢德惟馨  
神永浴僊昇龍涎劈巨靈

氤氳推闔闢感召識壬丁  
觸地砂呈紫浮天岫映青  
華池噴鳳輦丹穴憶鳳翎  
好把商盤意維新報朝廷  
、利唐總府溫泉韻

國朝教

授

張

鉉

義泉昭勝跡溫水溢芳垌  
執熱清堪掬探湯燥下形  
深身塵悉淨浴德氣常馨  
坎體含離質陽明濟癸靈  
沸騰疑永鼎瓦甃鑿忽神  
丁出不何曾冷蒸雲分外青  
環池開半畝構閤翼全翎  
願矢維新志洗心對大廷

遊太虛硯

國朝參

軍

章本仁

造物鍾佳勝偏於僻地藏  
孕靈含萬象通息漏三光



龍虎形蟠踞鼓鐘韻抑揚西天昭法相南海隱慈航  
石室金沙富仙家白日長偶來得妙境忘却邊荒  
羅太公祖新修太虛發嗣

邗人晏之廷

新闢太虛徑六羅別一天幽深含萬象寂靜渾無邊  
峭壁雲霞鎖靈岳日月穿鼓鐘音奏雅龍虎勢盤旋  
勝境待人顯竒踪因候傳何須覓祠府此處卽神仙  
七言排律

重遊太虛祠集飲和掌教張麗川先生韻

國朝合江

貢士 羅洪鑑

晴冬聯轡入山幽，爲實前聞縱日遊。  
邃洞宏開天迥別，暗途曲引景潛收。  
巖懸鐘鼓傳聲異，隙露煙霞着色悠。  
玉漱清音頻側耳，金披隄壁自凝眸。  
龍潭珠燦圓時抱，佛座蓮生繞數週。  
斑駁碑殘詩可讀，峻嶒石亂坐堪留。  
脩觀仙界杯盤列，轉對文人意興稠。  
馬上咏歸何所愛，江涵印月柳絲抽。

五言絕

流夜卽題蔡葉

唐李 白

慙君能衛足，嘆我遠離根。  
白日如分照，還歸守故園。

游伴雲寺

國朝侍衛  
所營都閫 唐光甲

直步層霄上，憑欄萬戶輝。  
江山羅眼界，歌罷且雲飛。

七言絕

聞王昌齡左遷龍標遙有此寄 唐李白

楊花落盡子規啼，聞道龍標過五溪。  
我寄愁心與明月，隨風直到夜郎西。

聞蕭不與

李白

北闕聖人歌大康，南冠君子竄遐荒。  
漢醢罔奏鈞天樂，願得風吹到夜郎。

南遊夜郎寄內

李白

夜郎天外怨離居，明月樓中音信疎。  
北鴈春歸看欲盡，南來不得豫章書。

太虛洞中八景

國朝郡守羅文思合江

龍虎竒形

頭角巋然勢欲飛，六毛斑駁穴探肥。  
牢籠豢養何須事，相狎渾忘海上機。

鼓鐘逸韻

柱石高懸觸扣鳴，響分鐘鼓溜同清。  
漫云不是鈞天

石門志卷之九  
樂大異人間金革聲

觀音靜界

苦海慈航孰問津洞穿深際識容真蓮臺屹立垂衫  
袖蟠結精英隔世塵

羅漢生容

省志載明洪武間有白頭羅公自嶺遠至阡之太虛硯

大悟曾何色相窺燃燈彷彿活鬚眉白頭更有羅公  
在今日當年却是誰

萬佛攢崖

崖高數仞有誰踪佛像依稀擁萬重秉炬高輝星火

亂却疑灑雨散花濃

金沙燦地

誰將沙徑碎鋪金奕奕精光豈陸塵信手拈來皆奪  
目寶山河意却逢今

驪臥方田

田澤深深盼蜿蜒龍披鱗甲拘珠眠麟遊鳳舞與朝  
會好待風雲上碧天

漏瑩仙室

煙霞縹緲一仙居雙漏空明白日徐不料廿年塵俗

吏公然世外得遠廬

桶口道中雜吟

雨中桃花

國朝合江貢士候選知縣羅洪鈺

艷質由來不染塵  
西門斜倚大荆蓁  
回流嬌汗還微  
笑口漱清泉欲問人

新柳

羅洪鈺

春光漸到艷陽時  
漫展池塘婀娜枝  
半掩鶯聲陰細  
細纔分燕尾影  
垂垂驚回漢苑宮  
前夢觸起梁園別  
後思最爾關心  
描不盡煙中情態  
雨中絲

鷄冠山

羅洪鈺

咫尺雲光結萬重  
縱橫溪壑應晨鐘  
莫言時夜加名  
小隱豹還將欲化龍

桶口道上枯松林

國朝合江羅希二

恨是前冬烈火燒  
青青一旦變枯焦  
靈根終有靈枝  
秀榜澗亭亭別長

野老籬前對野岑  
向余東指老松林  
年年火後仍生  
發灰盡蒼毛不損心

歌



溫塘午日蓮舟歌

國朝司理 陳德巖

閨編竹笥罩溪魚  
火照溫塘夜不踈  
歸向細君謀  
醉明朝歛乃弔三閭

剪舌寒臯學語新  
船前頻喚舟人勸  
娘莫用濃粧  
往濃粧恐照姤婦津

鬪草鬪舟樂不殊  
辟兵奚待赤靈符  
堯整若問紅裙  
戲爲道紅裙自有夫

聞道西方十丈蓮  
如何斗米值三錢  
只今風雨欣時

若羸得菱歌徹晚天

題岐鳳山靜觀上人印壽字卷軸

國朝郡守

羅文思合江

香界何有有此蘭奢  
忽破頰賊色不染花年延定性  
梅熟可嘉七十非  
孫百歲何誇永崇爾貝葉之華永  
崇爾鸚鵡之車國印心印昭鶴筭以無涯

羅公堤樂成歌

國朝參軍李時鴻

君不見我君高聳撐南天蔽蔭蜀西千百至  
公最得地之靈各冠群英稱崛起選才初仕筮蒲陽旋  
擢商山蕪民望數載烹鮮勞撫字興利革弊乃公

長憶悌遍傳關中老詩章紛頌秦宮墻所民何幸沾  
帝眷來眷歡歌半黔疆下車卽布安民策一厘傍水實堪  
傷惟捐清俸新營措築堤爲障漂淹防不似縵沙榮  
宰庶豈如夾柳樂

君王滑門治績真堪比杭湖後塵應同方一石橫拖廣庇  
蔭千家茅店固金湯山川草木皆遺愛聊作俚言誌  
不忘

藝文論 舊冊

雲峯上人云靈巖活水是我無字處則遊屐所及奚

事翰墨增山水一場八公案哉然銘罇潭石魚湖諸勝  
非柳記元詩終古不傳今阡景各什寥寥長星揮毫  
選勝使嵐光水灩各蹟古刹不至落漠無聞是在乎  
後之賢而辱於此考未可以空門寂語大鱗機鋒也  
康熙三年推官陳龍巖撰



